

114  
A5199  
3

專門之學。則通國子弟之游泳于其中者。眼界開。希望大。志氣勇。競爭烈。常有經營天下之略。開拓地球之心。內顧其國之陵夷。雖燎原糜踵。必思所以復之全之。富之強之。俾抗顏於世界文明國之列。而始得饜其熱望。副其雄心。故有高等學校衆多之國。未有能亡之者也。蓋其子弟之氣不衰。雖與之國土。而外人不能取也。嗚呼。我中國雖曰危迫。苟能共倡此舉。積流壤成河嶽。雕良璞作圭璋。或者天未欲亡四萬萬人。今同人不揣綿薄。勉效涓滴。爰略述梗概。普告同志。先由橫濱神戶。倡捐開辦。而廣求友助于各埠。凡我志士。共贊斯舉。同人幸甚。國家幸甚。

發起人

- |     |     |     |
|-----|-----|-----|
| 鄭清璠 | 吳廷奎 | 曾紀標 |
| 曾紀傑 | 盧瑞棠 | 林文澧 |
| 鄭觀光 | 謝煥辰 | 鮑芳昭 |
| 楊萃奎 | 鄭文晃 | 方文輝 |
- 等同啓



